

Zavidovići, 14.12.2010. godine
Broj: 459/10

ZAPISNIK I ZAKLJUČCI
SA DVANAESTE SJEDNICE PREDSDJEDNIŠTVA SKUPŠTINE
SAVEZA OPĆINA I GRADOVA F BiH

U Zavidovićima je dana 14.12.2010. godine održana Dvanaesta sjednica Predsjedništva Skupštine Saveza općina i gradova Federacije Bosne i Hercegovine (u daljem tekstu: Predsjedništvo Skupštine Saveza).

Sjednici Predsjedništva Skupštine Saveza prisustvovali su:

1. **g-din Husejin Smajlović**, načelnik Općine Zenica, predsjednik
2. **g-din Amer Čenanović**, načelnik Općine Ilidža
3. **g-din Salem Dedić**, načelnik Općine Jablanica
4. **g-din Rasim Omerović**, načelnik Općine Kalesija
5. **g-din Vlado Alilović**, načelnik Općine Vitez
6. **g-din Hakija Osmić**, načelnik Općine Zavidovići
7. **g-din Muhamed Ramović**, načelnik Općine Goražde
8. **g-din Luka Čelan**, načelnik Općine Livno
9. **g-din Ermin Hajder**, načelnik Općine Bosanski Petrovac
10. **g-din Hasan Ajkunić**, načelnik Općine Bugojno
11. **g-din Luka Jurić**, načelnik Općine Odžak
12. **g-din Miroslav Živanović**, zamjenik gradonačelnika, Grad Sarajevo

Pored gore navedenih, sjednici su prisustvovali i: **g-đa Dragana Solaković**, pomoćnik gradonačelnika, Grad Sarajevo, **g-đa Vesna Travljanin**, direktor Saveza, **g-đa Zlata Turkić**, viši saradnik za rad sa skupštinskim komisijama i institucijama vlasti i **g-đa Elvira Imširović-Bolić**, viši saradnik za pravna pitanja.

G-din Hakija Osmić se zahvaljuje na ulozi domaćina, pozdravlja prisutne i predstavlja Općinu Zavidovići.

G-din Smajlović pozdravlja prisutne, zahvaljuje g-dinu Osmiću, te otvara Dvanaestu sjednicu Predsjedništva Skupštine Saveza i predlaže Dnevni red kako slijedi:

1. Usvajanje Zapisnika i Zaključaka sa Jedanaeste sjednice Predsjedništva Skupštine Saveza općina i gradova Federacije Bosne i Hercegovine
2. Izvještaj sa sjednice Komisije za ustavna i zakonodavna pitanja
 - a) Kodeks – Međuadministrativni odnosi u Federaciji Bosne i Hercegovine
 - b) Zakon o zaposlenicima u organima jedinica lokalne samouprave
3. Inicijativa:
 - a) za izuzimanje jedinica lokalne samouprave iz Zakona o fiskalizaciji u FBiH

4. Projekti:

- a) NEXPO – Sajam općina i gradova jugoistočne Evrope
- b) SDC – „Moje dvorište“ – Jačanje civilnog društva
- c) Održavanje konferencije i radionica u organizaciji Saveza i GTZ-a na temu: „Uvođenje trezorskog poslovanja na lokalnom nivou“
- d) Beacon Schema
- e) Izbor regionalnih lokaliteta za izvođenje obuke za uposlenike i izabrane dužnosnike u sklopu projekta «Sistem obuke za jedinice lokalne samouprave»

5. Informacije:

- a) o održanoj konferenciji u organizaciji CCI-a na temu: „Revitalizacija mjesnih zajednica u BiH“
- b) sa konferencije CEMR-a (Vijeća evropskih općina i regija)
- c) o implementaciji projekta PERA
- d) o održanom dvodnevnom seminaru za partner općine Federacije BiH i Kraljevine Norveške

6. Tekuća pitanja

Dnevni red je jednoglasno usvojen.

Prije prelaska na prvu tačku dnevnog reda, g-din Smajlović predlaže da g-din Ramović prisutnima pojasni stanje koje je nastalo usljed velikih poplava koje su zadesile područje općine Goražde.

G-din Ramović pojašnjava situaciju u Goraždu uzrokovanu velikim poplavama. Ističe da je proglašeno vanredno stanje jer je vodostaj rijeke Drine bio 560 cm. Drina je nosila kuće, te je 220 porodica moralo biti iseljeno. Napominje da do sada nije zapamćeno da voda teče unazad kao što je bio slučaj za vrijeme ovih poplava. Uništeno je drveće, plaže.... Ukazuje na ljudski faktor i HE Mratinje. Objašnjava da je formiran tim eksperata, ukupno 13 članova koji imaju zadatak da urade analizu koja će dokazati da je kriv ljudski faktor za ogromne štete koje su nanosene Goraždu poplavama zbog Mratinja. Napominje da će, ukoliko se dokaže, Općina Goražde tražiti obeštećenje i sudskim putem. Načelnicima skreće pažnju na činjenicu da se ne treba nadati pomoći od viših nivoa vlasti, te ističe da ga je jedino ministar Bevanđa nazvao od svih članova Vlade FBiH. Također im skreće pažnju na to da moraju uvijek biti spremni na faktor iznenađenja. Ističe da je najbitnije da nisu postojale ljudske žrtve. Navodi da su trenutno u fazi nabavke topova za sušenje. Apeluje da svi koji imaju namjeru da pomognu da šalju građevinski materijal ili da izvrše uplatu na žiro račun, zbog činjenice da im je to najpotrebnije jer moraju u potpunosti izgraditi 22, a renovirati 200 kuća.

G-din Čenanović ukazuje na činjenicu da je općina Ilidža najugroženija zbog poplava, jer postoji 7 rijeka na području te općine. Smatra da je težište na preventivnom djelovanju i da je jedino rješenje uređenje korita. Međutim, u lokalnoj zajednici imaju problem što građani ne dozvoljavaju ulazak u njihova dvorišta. Konstatuje da lokalne zajednice ostaju same kada se desi problem. Napominje da općine koje uplaćuju novac civilnoj zaštiti samo 20% od toga mogu iskoristiti kada se desi nepogoda. Misli da je apsurdno da novac leži na računu civilnih zaštita kantona i Federacije, a da se ne može koristiti jer to zakon onemogućava. Predlaže da Predsjedništvo Skupštine Saveza traži izmjenu zakona, jer je bio u situaciji da donosi odluke koje su protivzakonite. Ističe da su uredili korito Dobrinje jer bi međunarodni aerodrom bio poplavljen da to nisu uradili. Navodi da kanton ubire velika sredstva po osnovu vodne naknade, a ista se koriste nenamjenski. Dakle, činjenica je da postoje pare za ove namjene, ali da je zakonom predviđena pogrešna raspodjela. Općine se same organizuju jer nemaju pomoći ni od koga. Smatra da je sistem civilne zaštite neefikasan. Naime, civilna zaštita ima mnogo novaca, a ne postoje ekipe koje bi mogle intervenirati kada je to potrebno. Na kraju ističe da se treba postaviti pitanje civilne zaštite i pitanje trošenja para od vodne naknade.

G-đa Travljanin obavještava da je Savez poslao dopis za pomoć najugroženijim općinama na mnoge adrese. Ističe da je SDC (Švicarska agencija za razvoj) odgovorio da žele pomoći, te da su poslali upit koje su općine najugroženije.

G-din Hajder predlaže da se pod tekuća pitanja uvrsti pitanje bezvlašća u upravljanju šumom.

G-din Živanović podsjeća na sjednicu Predsjedništva Skupštine Saveza koja je održana na Ilidži gdje su doneseni isti zaključci. Predlaže da se formira grupa ljudi iz općina koji će imati zadatak da predlože rješenja u vezi sa ovim, te da se djeluje dalje prema nadležnima.

Nakon rasprave usvojeni su slijedeći Zaključci:

- **da se pokrene inicijativa za kvalitetno trošenje sredstava vodne naknade,**
- **da se pokrene izmjena Zakona o civilnoj zaštiti u smislu da se ostavi mogućnost drugačije namjene trošenja sredstava u skladu sa okolnostima,**
- **da se sve općine u Federaciji BIH uključe u pomoć općinama koje su stradale u poplavama (Goražde, Foča Ustikolina, Ravno, Neum i Čapljina).**

1. Usvajanje Zapisnika i Zaključaka sa Jedanaeste sjednice Predsjedništva Skupštine Saveza općina i gradova Federacije Bosne i Hercegovine

G-din Smajlović otvara diskusiju.

Nakon konstatacije da nema prijavljenih za diskusiju, stavlja Zapisnik i zaključke na glasanje.

Zapisnik i zaključci su jednoglasno usvojeni.

2. Izvještaj sa sjednice Komisije za ustavna i zakonodavna pitanja

a) Kodeks – Međuadministrativni odnosi u Federaciji Bosne i Hercegovine

G-din Smajlović otvara diskusiju.

Nakon konstatacije da su materijal dobili u pisanoj formi, te da nema prijavljenih za diskusiju, stavlja na glasanje.

Izvještaj Komisije i zapisnici radnih grupa su jednoglasno usvojeni.

b) Zakon o zaposlenicima u organima jedinica lokalne samouprave

G-din Smajlović otvara diskusiju.

Smatra da je konferencija koja je održana 06. i 07.12.2010. godine na kojoj je razmatran naš Zakon bila izuzetno dobra. Nakon konstatacije da nema prijavljenih za diskusiju, stavlja na glasanje.

Zapisnik Radne grupe i izvještaj sa konferencije su jednoglasno usvojeni.

3. Inicijativa:

a) za izuzimanje jedinica lokalne samouprave iz Zakona o fiskalizaciji u FBiH

G-din Smajlović otvara diskusiju.

G-din Smajlović navodi da njegovi saradnici u Općini Zenica smatraju da općine nisu obuhvaćene ovim Zakonom.

G-din Čenanović ističe da su njegovi saradnici prisustvovali seminarima i da su iz izlaganja shvatili da su i općine obuhvaćene Zakonom. Smatra da će to biti dodatni teret za jedinice lokalne samouprave.

G-din Hajder smatra da u ovom zakonu postoji zamka i da ima limit od 50,000.00 KM, tako da će neke općine biti izuzete, a neke ne. Slaže se da nije jasno definisano, te podržava inicijativu.

Jednoglasno je usvojen zaključak da se inicijativa podržava. Istu uputiti nadležnima, pa neka jasno odgovore da li su općine obuhvaćene ovim zakonom.

4. Projekti:

a) NEXPO – Sajam općina i gradova jugoistočne Evrope

G-đa Travljanin obavještava prisutne da su u materijalima dobili brošuru o sajmu općina i gradova jugoistočne Evrope. Daje dodatna pojašnjenja u vezi sa dosadašnjom organizacijom sajma, te apeluje na načelnike da se prijave na isti.

Informacija je primljena k znanju.

b) SDC – „Moje dvorište“ – Jačanje civilnog društva

G-đa Travljanin obavještava prisutne o novom projektu koji realizira Savez u saradnji sa televizijom Hayat. Ističe činjenicu da Savez nije bio dovoljno zastupljen u medijima i da se radi o serijalu emisija o lokalnim zajednicama koje su pozitivnog karaktera. Predlaže da zajednički pogledaju prvu emisiju sa čim se svi slažu.

Informacija je primljena k znanju.

Slijedi emitovanje prve emisije „Moje dvorište“.

c) Održavanje konferencije i radionica u organizaciji Saveza i GTZ-a na temu: „Uvođenje trezorskog poslovanja na lokalnom nivou“

G-đa Travljanin navodi sa Savez u saradnji sa GTZ-om 17.12.2010. godine organizira konferenciju na temu: „Uvođenje trezorskog poslovanja na lokalnom nivou“ ne koju su pozvani načelnici i pomoćnici načelnika za finansije. Ističe da je ova konferencija uvod u serijal radionica o ovoj problematici koje će se održati u periodu od januara do maja naredne godine.

Informacija je primljena k znanju.

d) Beacon Schema

G-đa Travljanin daje pojašnjenja u vezi sa novim krugom projekta „Beacon Schema“.

Informacija je primljena k znanju.

e) Izbor regionalnih lokaliteta za izvođenje obuke za uposlenike i izabrane dužnosnike u sklopu projekta «Sistem obuke za jedinice lokalne samouprave»

G-đa Travljanin daje pojašnjenja u vezi sa ovom tačkom, jer materijal za istu nije išao ranije sa ostalim materijalima već je podijeljen danas. Informiše prisutne da se na naš poziv prijavilo ukupno deset općina, te da UNDP insistira na terenskim posjetama kako bi se izvršio uvid u stanje.

G-din Živanović predlaže da se uloži u općine kojima će ta sredstva nešto značiti, te da se one na taj način promovišu.

Informacija je primljena k znanju.

5. Informacije:

a) o održanoj konferenciji u organizaciji CCI-a na temu: „Revitalizacija mjesnih zajednica u BiH“

G-đa Turkić informiše prisutne o konferenciji na temu: „Revitalizacija mjesnih zajednica u BiH“ koju su organizirali Centri Civilnih Inicijativa. Navodi da su mjesne zajednice tretirane u Zakonu o principima lokalne samouprave u FBiH, te da se treba mijenjati Zakon o mjesnim zajednicama. U planu rada Saveza je predviđena izmjena ovog zakona.

G-din Smajlović sugerira da se oprezno nastupa po pitanju mjesnih zajednica kako se ne bi desilo da one postanu općine.

G-din Hajder smatra da načelnici trebaju biti prisutniji u ovoj oblasti da se ne desi da izmakne kontroli pitanje mjesnih zajednica.

G-din Čenanović ističe da se ovo ne treba prepustiti slučaju.

Informacija je primljena k znanju.

b) sa konferencije CEMR-a (Vijeća evropskih općina i regija)

G-đa Travljanin izvještava o CEMR-u, odnosno Vijeću evropskih općina i regija. Navodi da je to organizacija koja je osnovana 1951. godine. Okuplja 59 saveza općina/gradova/regija iz Evrope koji zajedno predstavljaju cca. 100.000 jedinica lokalne samouprave Evrope. Ističe da je 06. i 07. decembra održana konferencija na kojoj je izabran gradonačelnik Štutgarta za novog predsjednika CEMR-a.

Informacija je primljena k znanju.

c) o implementaciji projekta PERA

G-đa Turkić informiše prisutne o PERA projektu.

G-din Hajder napominje da je i njegova općina u ovom projektu. Smatra da je projekat izuzetno dobar, te ga preporučuje i drugima.

Informacija je primljena k znanju.

d) o održanom dvodnevnom seminaru za partner općine Federacije BiH i Kraljevine Norveške

G-đa Travljanin izvještava o seminaru koji je održan za tri partner općine/grada iz Federacije BiH (Konjic, Donji Vakuf i Mostar) i tri partner općine iz Norveške (Sund, Klepp i Orkdal). Napominje da postoji ideja da se projekat proširi i na druge općine.

Informacija je primljena k znanju.**6. Tekuća pitanja**

G-din Hajder predlaže da se zauzme stav o bezvlašću u upravljanju šumom i ukazuje na emisiju 60 minuta koja je emitovana sinoć. Smatra da je u ovoj oblasti kritična situacija i da Predsjedništvo treba zauzeti stav o ovome pitanju.

G-din Ramović predlaže da članovi Predsjedništva zamole privrednike iz svojih općina da upute donaciju Goraždu zbog poplava koje su pogodile područje ove općine. G-din Ramović koristi priliku da svima čestita nastupajuće blagdane.

G-din Čenanović postavlja pitanje iskustva iz oblasti interne revizije.

G-din Smajlović traži iskustvo u vezi sa naknadama za kablovsku televiziju. G-din Čenanović se priprema da uredi ovo pitanje na području svoje općine.

G-din Ramović informiše prisutne da se od 01.01.2011. godine mora plaćati PDV na poslovne prostore koje općine dodjeljuju besplatno. G-din Čenanović objašnjava da je to rješenje i sada na snazi.

Nakon što je konstatovao da su sve tačke Dnevnog reda iscrpljene, g-din Smajlović zaključuje Dvanaestu sjednicu Predsjedništva Skupštine Saveza u 12 sati i 25 minuta. Slijedeća sjednica Predsjedništva Skupštine Saveza će se održati u Bugojnu.

Predsjednik Predsjedništva Skupštine
Husejin Smajlović, s.r.